

所
坐
錄

黃平卷一



咸豐甲寅冬日

所

坐

錄

翰墨林合刊

黃平

所至錄黃平卷一

目錄

鄧春臺前見

陳理堂雲鶴浙江紹興人黃平舊州司

陳紫房前見

孫蘭皋翹江黃平進士福建連江明府

余凌雲前見

劉襄臣前見

孫春皋翹澤黃平孝廉湖南即補明府

所至錄卷二

黃平卷一 目錄

金搏九鵬黃平孝廉揀選明府

王少猷德成黃平孝廉揀選明府

駱雨亭澍遠黃平孝廉揀選明府

周閣卿前見

趙自明德昌安順文經候選廣文

夏寅斗前見

楊瑞廷前見

王琢章培鈺黃平明經候選廣文

余鼎臣前見

一引

五首

二首

三首

一首

五首

七首

六首

二首

二首

七首

八首

五首

二首

一首

八首



范勵甫

前見

七首

姚伯颺

雲廣
茂才

五首

劉思伯

試安
茂才

一首

李潤生

芳安
茂才

六首

吳礪堂

鋒試
茂才

一首

薛冠三

鳳章
茂才

四首

文鏡堂

尚清
茂才

二首

劉式齋

前見

四首

劉少儀

前見

五首

所至錄卷二

黃平卷一 目錄

二

劉虛堂

前見

五首

林子方

迪南
茂才

三首

傅賡虞

義試
茂才

四首

張岱峰

城杰

一首

林豐垣

有聲

三首

李聘卿

鈐

三首

丁一枝

桂芳

一首

張範堂

模

一首

張琴軒

拱

一首

孫蘭舫 翹 禮

三首

孫贊軒 翹 源

三首

周漢艘 暄

二首

周丙山 燭

二首

周星橋 曠

二首

吳香亭 芳 芝

一首

蔡春生 恒 元

七首

陳心盤 銘 章

一首

周伯元 封 魯

二首

所至錄卷二

黃平卷一 目錄

三

周叔元 封 衛

二首

周少卿 封 邠

二首

朱銳 清 祺

四首

李仙蟠 培 基

一首

張敬亭 熙 齡

三首

韓雨蒼 沛 霖

六首

張祝三 賡 堂

一首

黃翠山 樞

三首

沈成齋 憲 章

一首

林支山 毓岐

二首

林玉譜 翰音

四首

林少嶽 毓泰

二首

張蘆濱 鴻儀

四首

張掄峯 光燧

一首

張樸菴 錦春

一首

張壽山 燦南

一首

石蔭軒 開玉

一首

郭燮堂 經邦

一首

所至錄卷二

黃平卷一 目錄

四

劉偉堂 杰

一首

朱鵠臣 殿士

一首

楊壽峯 培基

一首

張聞九 鳴皋

一首

張鏡海 鑑中

一首

丁夢卿 漢樞

一首

葉鳳樓 森枝

一首

孫錦堂 先華

一首

蕭春亭 蘭芳以上俱黃平茂才

一首

張娘山 炳堃

三首

王益堂 德謙

一首

丁礪溪 顯濱以上俱
黃平童生

一首

所至錄卷二

黃平卷一 目錄

五

雙城輿頌引

鄧福照

士君子出身加民必有豐猷偉績照耀人寰而後可謂之功必有深仁厚澤周浹民隱而後可謂之德且必有邁眾之精神軼倫之經濟而後立功立德乃有以貫注乎初終而永垂不朽夫如是不求名而名自歸不期頌而頌偕作上荷

宸居之

褒寵而無慙下貽史策之掄揚而無愧此其詣吾嘗懸諸心目間蓋歷數十年惟黃平刺史竹樓周公庶所至錄卷二

黃平卷一

一

足以當之公古吳世族以幕學著稱燕趙吳越諸大吏亮功懋德嘉謀半出幕庭相與襄勸入官筮仕楚北即著循聲嗣銓黔之永甯牧發劓新試士庶歡騰未及朞而謠頌成集具在查城偶錄茲不贅夫爲政日淺即已功播黔黎德淪蒼赤如此何術之神歟壬子春量移黃平甫下車即以興賢育才化民成俗爲先務而於新舊兩城之頽圯尤深屬意焉用是殫心圖治綱舉目張感民以誠孚民以信未半年而民以大和公知民之可勞也集兩城紳耆諭以王公設險

守國之義莫不鼓舞歡忻趨承恐後共裒集二萬餘金剋日興建夫建城非易事也建兩城尤非易事也肇基之初人咸謂慮始者之難與圖終矣乃自壬子十月訖癸丑九月未一年而兩城同日告成其間牆垣鞏固樓閣凌霄萬目縱觀歡聲雷動不特旁觀者所不及料即黃之民亦不自料其成功如斯之速也於是羣相謂曰我公之功在兩城如此我公之德周萬姓者尤非尋常所易有爰彙公載餘以來所立善政彰彰在人耳目可以播之風謠者共得二十餘事

所至錄卷二

黃平卷一 引

二

他如清慎勤能愛民如子民無怨獄境無游民不能備述凡我士民能無編纂歌詩以紀公之功德於靡涯耶風聲所屆戛玉敲金各體皆備較之查城偶錄有過之無不及也余司鐸是邦喜公之功實足以照耀人寰知公之德實有以周浹民隱而尤佩公之精神經濟有以包涵徧覆而游刃有餘也異日名達九重徽流奕世胥可爲公操左券焉因將所彙德政各目具列於左

培書院

鳳儀書院前半窄而斜公買民地正而葺之復捐助膏火兩院讀書者各以百計

建兩城

凡水關礮臺墩堡樓塹俱同時添堡

鑿池井

新給價收回開挖深通井則清冽異常

舉節孝

得八十餘人兩城各建總坊祠宇狹隘移建專祠並籌祭品歲修之費

興紡織

新州婦女素不紡織若無消路公募商收買黎民德之機杼立備

行賓興

創行賓興典禮捐助南北卷費

剔積弊

定章程改爲自封投櫃士民稱便另

拔真才

武童覆試皆宿諸州衙後堂列日面定甲乙兼顧公兩次捐廉代輸體恤勤深致

代輸將

兼顧公兩次捐廉代輸體恤勤深致

禁邪會

俗迎五顯神毀千鈞轎往男女混雜多生事端公毀轎禁止汚風頓息

所至錄卷二

黃平卷一 引

三

復二閣

久傾地公今照式建之

化凶頑

匪徒滋事偷渠魁職之餘俱畏而首悔予以自新

修廟宇

舊州文昌廟補葺靈臺東嶽諸廟公捐廉倡修葺葺煥然一新

清賦役

邑俗多田去糧存貧民若甚公設清查局返糧於田欺隱立杜

築石岸

重安馬頭册陷道險窄公爲築石護之並將城樓城甕葺而新焉

懾苗盜

革夷多盜近因畏威懷德俱各改悔

毀淫祠

永興岑卡二寺建在深山奸匪混迹其中公或毀或移使匪無立足地

釐學田

書院膏火田畝久爲佃户侵佔公親勘立界積欠全完

設塘卡

扼水陸要隘設塘卡哨船常年派人住守嚴緝盜賊護送行人

豎文峯

新州舊有文筆峰在城之北
山傾圮多年公捐廉復豎

以上二十條約舉大端此外德政尚多容當續紀

所至錄卷二

黃平卷一引

四

所至錄 黃平卷一

貴陽廬戊原西崖

永甯吳寅邦清臣 編次

培書院

七律

陳雲鶴

從來士氣貴提倡
山斗宏開舊講堂
泮水冠裳新棧
樸春風桃李大文章
人爭負笈詩書富
俊集如林鼓篋忙
霞蔚雲蒸今有象
佇看鳴鳳在高岡

四言

陳兆芝

所至錄卷二

黃平卷一

一

栽培多士如坐春風
宏開廣廈德婉文翁

七律

駱澍遠

菁莪棧樸悉英才
得士原從養士來
但使丁簾勤共
下不妨甲第更宏開
渠渠夏屋壇瞻杏
切切秋聲院聽槐
廣廈從今千萬庇
春風永慶坐春臺

七律

余春齡

鶯湖鹿洞教無方
廈庇千間士氣昌
薪水時頒分鶴
俸膏油廣助勝螢
囊培成國器光彝
鼎養就天才任棟
梁同坐春風爭憤
排兩城桃李盡含香

七律

文尚清

千間廣廈勢連雲，共道栽培荷使君。
爲育鴻才三載舉，頻將鶴俸兩城分。
狄公桃李爭誇秀，裴相薔薇漫侈薰。
安得春風吹去徧，膏油常給沈休文。

七絕

劉其明

三更燈火燦新檠，垂愛斯文別有情。
廣廈千間今記取，滿窗明月讀書聲。

七絕

林迪南

場開翰墨羨黃州，滿院書聲帶月流。
自得使君宏作所，至錄卷二
黃平卷一
二
育詞林亦咏芾棠不

七律

朱棋

政教端由禮教施，育才方慶得才宜。
龍淵啟化風占異，蟻術因時雨有師。
出色文章騰鳳采，持身道義樹鴻儀。
培成國器圭璋品，好把勳猷鑄鼎彝。

七律

葉森枝

士先德性後文章，樂育英才恃黨庠。
入座春風千里煦，當窗秋月一輪揚。
捐來鶴俸籌膏火，喜託龍門接瓣香。
自是濂溪留矩範，從教廣廈悉甘棠。

七律

孫先華

善事端由利器精好開廣廈萃羣英諸生黽勉工居
肆大匠陶鎔璞剖荆此日維窗窺妙理當年鹿洞想
深情自蒙體恤資膏火棧樸菁莪蔚

國楨

建兩城

七律

陳雲鶴

屹屹雙城壯此州百年傾圮一朝修枕山雲湧狼疆
曉傍水霜明雉堞秋此日千家忘警柝他時有客快
所至錄卷二

黃平卷一

三

登樓興思保障人如在嵐翠花光繞郭流

七律

孫翹江

百雉都城累世功何期兩美慶攸同維垣定擬金湯
固設險居然帶礪雄君似樊侯宏保障我隨吉甫頌
清風即今安堵無邊患仰答

宸楓寵望隆

七絕

劉端甫

路入龍淵兩道分王公設險有遺文南天保障知誰
恃不仗干城仗使君

七律

周夢熊

隍占復後兩相同保障端資累築功樂水從新看睥
睨奎山依舊號興隆憑他鎖鑰高環雉慰我身家徧
集鴻自是長城稱萬里懸知斯世待憐蒙

七律

王培鈺

兩城頽廢久遷延舍舊圖新忽煥然帶礪險憑天塹
壯垣墉高枕地維堅巍巍雉堞垂千載濟濟鳩工只
一年從此室家歌樂土并州不羨李君賢

七絕

姚雲賡

所至錄卷二

黃平卷一

四

設險從來重守疆長城雙峙固金湯身為保障心為
佛閒看飛花上女牆

七古

薛鳳章

飛雲直上廿餘里雉堞巍巍拔地起停車借問建者
誰父老皆稱賢刺史刺史來此邦愛民如愛子善政
不勝書關心民所止新城葺其垣舊城增其壘經營
不辭勞兩城稱咸理爲民保障莫身家民之父母其
謂此

七律

朱祺

仡仡崇墉一旦新保邦設險治功神凌霄郭枕鑪山
峻聽月樓涵樂水勻此日室家安草野他年屏翰衛
楓宸輿情皞皞歡無極作記欣爲載筆人

七律

韓沛霖

新舊從來號兩州州城何幸遇賢侯關心雉堞多年
圯刻意鳩工一律修帶水屏藩昭駿烈星山保障著
鴻猷士民共慶金湯固柱石勲名萬古留

七律

張鴻儀

兩城屹立詡雄關險設重門鎖百蠻銅柱好同看轟
所至錄卷二

黃平卷一

五

轟石頭儘許共閑閑當年南國歌申伯此日東方頌
仲山保障黔中誰得似青螺餘韻在人間

鑿池井

七律

陳雲鶴

修城幾度費經營鑿井崇朝一例成映月池開金鏡
澈迎風波漾玉壺清紅葉碧菡香過雨素縷銀床汲
向晴共頌此中涵惠澤深深利濟洽蒼生

七絕

劉端甫

知公不飲貪泉水池井宏開利萬家一頃桑麻一頃

柳留將遺愛種蓮花

七律

金鵬

城工已竣復修池井養無窮利溥施古甃澄清堪鑑
候源泉左右正逢時金湯應並

皇圖固玉水頻將品物滋澤潤生民歌食德羣黎端
合獻瓊卮

七絕

趙德昌

石甃沈沙幾度披源探井井忽逢池於今實壑追韓
咏會卜求明受福滋

所至錄卷二

黃平卷一

六

七律用磨碑韻

夏昉長

鑿井耕田利孰過尋源咫尺類尋河機濬活水珠頻
濺聲漱寒泉玉乍磨感沸詩歌深息久求明易卜汲
來多兩城潤澤留千古挾髓淪肌信不訛

集經

李芳

我泉我池維水泱泱式飲庶幾懷允不忘

七絕

傅言試

嘉禾九穗本由天灌溉尤須藉井泉浚鑿溝渠生活
水從教惠澤潤無邊

四古

林有聲

惟皇撫運地出醴泉民之安矣鑿井耕田惟牧循良
築斯鑿斯慰彼黎庶民莫之知易其曰疇移我居廬
率由舊章煥然新模池深不竭井養不窮賢哉刺史
澤沛羣蒙

七律

周燭

井養由來重井池源逢左右漾漣漪澄清化憶青龍
劍攜取牽憑玉虎絲德水汪洋歌既足恩波浩蕩悉
淪肌從茲混混泉開醴鑿飲應聞擊壤詩

所至錄卷二

黃平卷一

七

七律

蔡恒元

築斯城罷鑿斯池井養無窮惠澤施九仞採泉欣酌
醴千門轉輓競牽絲沾濡汲受王明福醞釀深同
聖德滋自挹西江蘇涸鮒蒼生爭譜飲和詩

舉節孝

七律

陳雲鶴

棠封遠近挾春溫中有松貞柏操存志節千秋含月
魄幽潛一旦達

天閣青霜飽鑄芳碑字

丹詔榮旌蔀屋門
茹檠飲冰多令德
九泉之下亦銜恩

七絕

劉端甫

青天碧海鷺分影
流水空山雪鍊身
賴有使君如皓月
冰輪照澈九泉人

七律

孫翹澤

毀容割股事非常
節孝應流百世芳
古井無情悲燕羽
貞坊有典耀鴻章
標來竹簡名皆顯
賦到柏舟句亦香
八十餘人齊入採
直教泉壤荷

所至錄卷二

黃平卷一

八

恩光

七律

金鵬

巾幗冰心鐵石堅
表揚潛德

聖恩宣翁姑耄矣悲
誰養子女勤斯想
自憐矢志無慚筠
節勁聞歌欲廢柏
舟篇幽光闡發標
彤管遺恨奚教抱
九泉

五律

范鏗

節孝重當世幽光疇舉之
推恩到泉壤捐俸建坊祠
側陋名俱顯春秋祀亦宜
潛德今闡盡銜結復奚疑

集經

李芳

有孝有德不我遐棄禴祀烝嘗伊寡婦之利

七絕

傅言試

心似冰清澈玉壺媳兼子道奉翁姑幽闈姓氏邀
丹誥始信裙釵亦丈夫

七律

周暄

黃鵠興歌自愴神幽光潛德久沈淪
衰來一字榮香骨慰遍千秋化石身
節著松筠標棹楔馨餘俎豆潔
繁蘋因知大舜欣揚善同此肫誠本性真

所至錄卷二

黃平卷一

九

七律

黃櫺

柏舟矢志慕共姜苦節林林待表揚
石化忍教淪古井冰清榮與豎貞坊
傳來姓字恩原渥潔到蘋繁品亦香
從此坤維伸正氣主持風化更堂堂

騷體

林毓岐

天地健順兮判陰與陽
生人缺陷兮茹苦而含霜
矢柏舟以自守兮冀苦節之流芳
奈華門兮圭竇嘆僻壤兮窮鄉
或熊丸兮晝菽竟湮沒兮不彰
惟刺史兮賢良發潛德兮幽光
輜軒兮四採節孝兮表揚玉汝

於成兮旌汝以不朽之坊闡此貞潔兮存者感而沒者香煥其祠而新其宇兮春以祀而秋以嘗此恩兮遍及此德兮難忘宏仁化於蒼赤兮更波及於孤孀功至是而莫與京兮預卜厥後之必昌

興紡織

七律

陳雲鶴

婆心一片在深衷敦俗殷殷課女紅萬戶機絲鳴夜月千村絡軸轉秋風紡成爭說繇花軟織就還誇橡繭工從此禦寒欣有具家家樂利享無窮

所至錄卷二

黃平卷一

十

七律

金鵬

忽聞呶軋萬千家知是賢侯教化加紡愛花絲飛瑞雪織看錦片燦晴霞數番轉軸乾坤運幾處停梭笑語譁挾續恩周歌樂只獻裘仍舊話桑麻

五律

范銍

衣被利天下如何俗不興賈商鄰郡募機杼滿城增桑樹沿村植纈絲共黍登遙知投宿客軋軋聽殘燈

集經

李芳

賈用不售休其蠶織自公令之日用飲食

七古

薛鳳章

民生大本食與衣如何女子竟停機只緣居奇無買
客雖有餘布將安歸公深體此故遠方招大賈衣被
遍蒼生缺陷必與補紡織由來重女紅何必錦繡矜
纂組

七絕

劉其明

機杼中宵不斷聞絲抽乙乙捲秋雲黃縣著體如春
暖好效平原繡使君

七律

蔡恒元

所至錄卷二

黃平卷一

十一

爲裳載績慕幽風好向閨中課女紅運軸聲隨梭下
上鳴機音徹巷西東抽成乙乙絲堪買織就庚庚布
可通從此深宵聞絡緯常教四壁聽秋蟲

七律

朱祺

恩隆眾母計恒周推解重爲紡織謀滿閣絲綸胥在
握橫機經緯細凝眸繇花絮輒霜飛縷錦字紋成月
到樓五色雲章欣妙製羣瞻黼黻懋鴻猷

七律

張光燧

教溯西陵自古傳恩周挾纊澤無邊鳴聽秋鷄音初

送飼愛春蠶飽正眠深巷頻聞機軋軋懿筐遍覆縷
綿綿拔葵牆下桑頻植翻羨今賢勝昔賢

行賓興

七律

孫翹澤

金門共覩漢威儀不道窮陋亦見之觀禮頻來鳩杖
叟興賢載咏鹿茸詩好培學校開賓秩爲植人才助
卷資宴罷桂馨攜滿袖行看連袂入

龍池

七律

余春齡

所至錄卷二

黃平卷一

十三

鉅典淵源溯漢初禮儀自古重賢書都城貢舉名循
實僻壤賓興事久虛特奏霓裳看振翮平分鶴俸助
征車先生創始誰其繼滿邑歡聲頌在輿

集經

李芳

肆筵設席曰既醉止以燕樂嘉賓之心自今以始

七絕

劉其明

桂花開候使君忙我有嘉賓載鼓簧高折一枝飛去
也鴻毛風順帶秋香

七律

周封魯

三年大比慶躬逢志切觀光試及鋒涸輒自憐真若
鮒奪標誰信果爲龍垂來青眼恩偏渥賞到白眉興
更濃寄語巍科高掇士馳驅未可負時雍

七絕

張熙齡

風流仙吏有誰如禮舉賓興士氣舒折桂橋頭香共
探鹿茸詩並詠嘉魚

七律

沈憲章

桂折蟾宮賦鹿鳴周官三物禮非輕霓裳共聽今朝
詠雁塔欣題異日名預卜登科追宋氏不教奪錦失
所至錄卷二
黃平卷一
十三
盧生從茲破壁爭飛去好效鵬搏萬里程

七律

張錦春

賓興典禮最關情何幸黃州復舉行刺史開筵陳酒
醴英才鼓瑟協簧笙鯨騰北海三千浪鵬奮南冥九
萬程此日觀光同振翮莘芩好聽鹿鳴聲

七絕

石開玉

優獎儒林得未曾天香飄處彩雲蒸大羅先度霓裳
曲北海高騫萬里鵬

五律

張炳堃

桂苑傳消息槐花應候黃賓興隆禮典貢舉快觀光
朗朗文星照軒軒士氣昂眾仙同日會德政邁尋常
別積弊

七絕

劉端甫

爲除流弊秩丁糧一念慈仁惠澤汪列郡望公如望
歲秋來何處問平章

七律

孫翹澤

催科到處起紛爭弊剔奸書法盡平幾費鞠謀周赤
子忍教箕斂病蒼生鴻規遍洽羣倫願雀躍時聞眾
所至錄卷二
黃平卷一
十四
母聲自古君民原一體長將忠愛竭輿情

七律用磨碑韻

夏昉長

丁糧積弊歷年過明鏡高懸太史河此後章程真美
善從前苛政悉消磨茅檐犬靜追呼少花戶鳩居愛
戴多百姓足時君亦足聖賢功用總非訛

七律

楊瓊枝

善政由來子庶民脂膏體恤見深仁防他蠹役私侵
削惠我蚩氓共浹淪不信食苗猶有鼠應知在藪豈
無麟如公自切恫瘝抱每值輸將德頌頻

七律

余春齡

斯民何事樂陶陶
澤被哀鴻惠政叨
汰去青苗籌損益
誠求赤子惜脂膏
攜鋤遍使西疇慰
挹酒誼猶北斗
操賦稅從今無厚斂
飢寒豈第免啼號

五律

范鏗

厚斂沿爲例疇知
稼穡難直將流弊
剔頓使小民安撫
字心原惠催科政
更寬正供從此定
凶歲免飢寒

七絕

姚雲廣

勞心撫字催科拙
力穡須知稼穡難
除卻正供無耗

所至錄卷二

黃平卷一

十五

羨十年前已薄貪
殘

七律

吳芳芝

賦斂因仍積弊生
釐然則壤立章程
關心恒慮脂膏竭
定額先平粟米征
但願有餘封比戶
休教不足困編氓
黃州從此安耕鑿
四野謳吟起頌聲

七律

周封邠

南箕北斗怨非虛
厚斂何如薄斂舒
婦解無苛疇識
虎牧教有夢亦占
魚從來國富由民
富聿見三餘更九
餘得所樂郊應共
適紛紛鼓腹遍荒
墟

七律

韓沛霖

稅斂從來有舊章，欲除流弊費籌量。
納禾自應研同獻，食麥何容鼠見傷。
此日哀鴻欣遍戰，多年積蠹妙更張。
清風兩袖無他物，贏得新詩作宦囊。

拔真才

七律

孫翹澤

十年脫穎出風塵，得士端由選拔真。
眼漫垂青昭慎重，眉如逢白費陶甄。
登龍聲價成知己，倚馬才能擬降申。
非是使君嚴考覈，預儲霖雨答

所至錄卷二

黃平卷一

十六

皇仁

七律

金鵬

爲國儲才選貴真，直教庠序悉端人。
文章好把金鍼度，棧樸胥歸玉尺掄。
滄海遺珠羅鐵網，荆山蘊璞獻瑤珍。
待逢變化龍門日，快覩班聯侍

紫宸

七律

周夢熊

秦鏡高懸取次觀，鼎陳讒臞混殊難。
文章原貴因心作，考試真宜覲面看。
度把金鍼裁錦繡，量憑玉尺採

榛蘭品題莫怪成佳士猶是登龍願識韓

七絕

趙德昌

緯武經文取次裁前茅爭慶悉英才自君相賞驪黃
外旋見驂騑道路開

七絕

吳鋒試

校士扃門典至明真才特出仰持衡從茲鐵網珊瑚
結採得驪珠掌上擎

五律

范銓

十室有忠信英才何地無秉心原似鏡到眼肯遺珠

所至錄卷二

黃平卷一

十七

濟濟來多士赳赳咏武夫咄嗟南郭子詎得濫吹竽

七絕

姚雲賡

僻巷蓬廬抱膝吟如飢如渴幾搜尋安排異日蒼生
福費盡冰壺刺史心

七絕

劉斌

不願封侯願識韓蓬廬抱膝賞音難寄言同學諸朋
友莫作尋常德政看

七絕

劉其明

查城一載絳帷開曾見榛蘭入彀來我是公門小桃

李春風幾度受培栽

七律

蕭蘭芳

精金未許掩泥沙幾度披來物色加
紙落雲烟胸有竹鼎分饒贖眼無花
秦龍視葉原殊好相馬偕甄合
並誇採榦量材憑玉尺欣看桃李發英華

代輸將

七絕

劉端甫

籌餉捐輸裕國時閭閻疾苦使君知
千金揮手渾閒事不忍蒼生暗皱眉

所至錄卷二

黃平卷一

十一

七律

孫翹澤

正供報罷復何求民力凋殘苦未休
疾痛頓教欣有躬耕耘忍使嘆無鳩
倉箱再拜仁人粟鼓角咸欽節
度樓兩次解囊都不惜芳名贏得播黃州

七絕

趙德昌

赴義行仁事兩妨捐來鶴俸妙籌量
君之薄也民之厚賸有清風滿袖藏

七律用磨碑韻

夏昉長

飭勸輸將羽檄過涓涓細滴欲成河
不教胥吏煩催

索爲恐閭閻受折磨兩次俸捐留鶴少一時恩被載
鴻多而今四境融融樂父母聲稱果弗訛

七絕

姚雲麇

兩分鶴俸裕倉困爲國兼能下爲民軍用自饒人自
富長官家世慣清貧

五古

薛鳳章

助餉報

國恩民皆急公義公心原愛民深恤我民累蓋公建
兩城民已捐其利民財有幾何再輸必告匱兩次代

所至錄卷二

黃平卷一

十九

民輸體恤斯民至於戲古來循吏數龔黃如公可以
相頡頏生祠爲公祝純嘏年年俎豆薦馨香

七古

張拱

羽書昨夜庚郵速軍餉籌捐到葦屋誰能益上復益
下國用民生兩不感使君爲國兼爲民不惜鶴俸代
輸頻猶是解衣推食意慈祥獨普四時春

七律

周封衛

貧民未可困錙銖忍竭脂膏俾向隅五斗傾囊誰不
惜萬家懸磬總堪虞益人自屬求仁事損己終非市

義圖多少宦途稱父母徒矜推解亦區區

七絕

張賡堂

甯將鶴俸代民輸不忍蒼生聽癸呼一粟一絲皆惠賜君心久已澈冰壺

六言

林毓泰

周知民生迫感又復國計籌量施惠概爲恤免捐廉兩代輸將推恩上下安全一舉公私兩得事克立愛立忠功兼爲民爲國

禁邪會

所至錄卷二

黃平卷一

二

四古

陳兆芝

鬼方邪會民俗易侵嚴爲禁止聿正人心

七律

孫翹江

縱橫推挽任狂夫世道人心並可虞欲使改邪歸大義須知禁會亦嘉謨姦壬角逐全消豸士女肩摩頓滌汗靜聽輿歌盈草野清名豈僅澈冰壺

七律

周夢熊

賽會迎神俗尚乖如何沿習兩城皆乘機攘竊陰而譎借事囂陵暴且霾况使風流矜粉黛那堪日久下

江淮森然嚴禁民安業比戶絃歌聽滿街

七絕

趙德昌

祇緣禍福中心頓使如狂舉國深幸遇使君標特
識西門千載得知音

集經

李芳

爲鬼爲蜮交亂四國君子至止閑之維則

五古

薛鳳章

昔有西門豹嚴懲河伯娶五顯本正神何以櫻公怒
怒人非怒神猖狂太無懼力索挽千鈞性命輕朝露
所至錄卷二 黃平卷一 主
奸邪每百出大爲風俗蠹森然爲禁止方悔從前誤
吁嗟乎異端一起羣相攻誰能振曠與發聾積習既
除民不惑高風直接狄梁公

七絕

劉端楷

天道善淫彰果報人生忠孝是神仙千鈞自縛緣何
事堪笑斯民亦太顛

七律

丁桂芳

賽會成風本例干恣容嬉戲起無端迎神豈屬尊神
意從俗卽非易俗官事本閑邪除弊竇誣同娶婦挽

狂瀾而今妖醜欣俱息正氣巖巖共憶韓

七絕

張模

賽會迎神本近邪胡爲擾攘共喧譁公身即是真生
佛嚴禁斯能庇萬家

七古

林翰英

樂源賽會緊誰興千鈞爭挽百尺繩挽繩若狂近於
戲萬人鼎沸如奔騰習俗相沿由來久旌旗鼓角聲
雷吼避之不及人命殘遭之石木皆立朽吁嗟風俗
日頹敗婦女紛紛矜粉黛苗夷擾攘集如雲徒令旁
所至錄卷二
黃平卷一
三

觀生感慨我公識見本如神敬神還須義務民森然
令行嚴禁止易俗移風從此始神兮神兮如有靈應
佐方州錫蕃祉

復二閣

七律

金鵬

培風重建閣輝煌美羨東南引興長萬里雲霞環錦
字九天奎壁煥文章翬飛依舊瞻松棟燕賀重新詔
畫梁金闕珠宮留蔭處好歌生佛薦馨香

七律

王德成

魏巍閣勢聳重霄峙立東南首共翹宛爾齊雲森結
構依然向日蔚嵒堯仰瞻星斗天文煥俯覽人家市
井囂料得營巢應有鳳來儀定許聽鸞簫

七古

趙德昌

轟轟州城留舊閣頻年傾圮已零落開來繼往救公
功應與凌烟同焯爍

五律

范 鉉

兩城初告竣二閣又重修登覽窮千里迴環鎮一州
丹楹祥日煥畫棟慶雲留政暇憑虛檻山川筆底收
所至錄卷二

黃平卷一

三三

七絕

劉端模

曾賜花驄遶郭遊東南一覽儘勾留州人笑語登臨
客尚有先生遺愛樓

建東關外

七律

孫翹源

美盡東南二閣高使君興廢幾心勞靈鍾大地憑風
鑑巧倩公輸沛雨膏暈烏重飛看振翮麒麟再畫任
添毫落成好咏唐人句秋水長天景又遭

七律

黃 樞

閣峙東南勢獨超依然結構蔚嵒堯倚天星斗樓頭

接匝地人民市口囂雨捲珠簾堪放鶴雲封畫棟漫
飛鷗秋來桂馥頻登眺冉冉香風透九霄

七絕

張燦南

高閣凌霄入望中真成兩美峙南東登臨閒捲珠簾
看萬井晴烟旭日紅

七絕

王德謙

巍然百尺倚晴空綺閣閒臨意倍雄俯視萬家雲氣
接蒼茫人在畫圖中

七律

丁顯濱

所至錄卷二

黃平卷一

二四

古閣嵯峨勢已傾東南翹首第聞名
真輪共羨鳩工速棟宇旋看燕廈成
對峙通衢披繡闥高凌碧漢俯雕甍
爲巢定許來鸞鳳豈獨游觀覽物情

化凶頑

七律用磨碑韻

夏昉長

遍地攬槍掠影過子儀單騎顯汾河
渠魁授首皆降伏羣醜回心競濯磨
敷德頓教頑梗少揚威豈在殺人多
應知殄滅同開釋用勸生民果不訛

七律

余春齡

凶頑負固實狂癡
厥渠魁悉宥之不特刑威官是
佛頻施德教父兼師
洗心共幸回頭早失足無嫌草
面遲競說此恩如再造
馨香永祝在生祠

七絕

劉端模

昔年混迹在深山
得見申公石不頑
昨日牽牛堂下
過問渠城市賣刀還

七律

孫翹源

小醜跳梁市井喧
整軍經武敢辭煩
麾旄殲厥渠魁
首傳檄安來舊日村
意等下車懷禹泣
情殷解網戴
所至錄卷二
黃平卷一
二十五
湯恩生成自荷慈
雲覆應悔從前誤
噬吞

七律

周燭

愚頑惜惜抗征收
社鼠城狐據未休
草蔓祇知喙負
固株連遑抱玉焚
憂威嚴夫菟雷
霆迅興勃枯苗
雨露優舍舊圖新
爭革面郊陬重見
鳳麟遊

七律

蔡恒元

愚頑結黨擾紛紛
責任治絲豈畏焚
虎豹未驅人懼
毒鷹鷂既逐鳥安
羣鷓張共訝雷霆
迅鳥合猶將玉
石分士樂橫經農
負耒前峰隱隱起
祥雲

七律

韓沛霖

龔黃召杜古之循默化凶頑治軼倫四野遍看民滌
舊千村頓覺俗更新德威相濟真慈父寬猛兼施即
惠人景仰仁風何處是棠陰帶蔽萬家春

五言排律

林毓泰

歎彼翻飛鳥梟鴟已就擒脅從惟罔治首悔悉投忱
草偃除汙俗桑柔化好音冥頑同此性德禮革其心
舊染憐由昔新更慶自今揚仁風以扇沛澤雨爲霖
解共叨湯網揮同聽舜琴蒼生歡再造遺愛指棠陰
所至錄卷二

黃平卷一

二十六

七古

周曦

如何帶牛復佩犢虎視眈眈欲逐逐使君殺一以警
百真屬生民再造福

七律

張鳴皋

害馬原宜去不留安良除暴實嘉謀潛萌鬼域工營
窟遠奮雷霆速置郵人競洗心微一旦民爭革面徧
千厥祇綠寬猛能相濟佩劍旋看共買牛

修廟宇

七絕

劉端模

古寺蕭然砌蘚深公來佈地點黃金千秋惟有天難
補費盡馨香刺史心

七絕

傳言試

自古仁民務福民不妨設教借明神曇雲式煥圓光
照常覺休徵協五辰

七律

張城杰

爲化愚頑教設神巍巍廟貌允宜新文昌武曲皆爲
聖蕩寇降魔永庇民丹蘄重看輝棟宇春秋常使潔
繁蘋珠宮此日嚴奔走恍現蓮臺丈六身

所至錄卷二

黃平卷一

七

七律

林有聲

由來廟宇妥神靈無奈風霜蝕幾經漸覺金臺成剝
落倏教寶殿煥瓏玲天花散處輝瓊室貝葉翻時映
玉樞共仰圓光欽舍利慈雲五色亦丹青

七律

李鈐

淫祠親毀不容留廟貌巍然又力修氣仰文昌輝紫
極光臨武曲耀黃州靈臺丹蘄金容燦古剎焜煌玉
宇幽更潔馨香隆俎豆明明匪懈祀春秋

七律

孫翹澧

典重春秋祀事承僊風到處廟俱興新培寶殿能招
鶴廣建珠宮不爲僧甘露幾番隆祭品慈雲一片覆
明燈溫公自是真生佛共頂香爐祝九層

七律

周暄

文昌武曲曜熒熒典祀春秋等上丁忠孝一腔懸日
月神明百世仰聲靈重裝金相鬚眉古丕煥珠宮俎
豆馨從此洋洋欽陟降庸愚亦解惕無形

七古

周封衛

神道設教由來重俎豆宜潔馨香供祇綠廟宇多歷
所至錄卷二
黃平卷一
二八
年大廈欲傾需梁棟先生久已號神明重教刻桷更
丹楹萬家同此瞻生佛好使寰區頌永清

七絕

張熙齡

丹楹刻桷妥神靈對越如從貝闕經莫謂使君徒粉
飾須知明德更維馨

七絕

楊培基

貝闕多年久寂寥慈雲幾並暮烟消先生是佛斯尊
佛同庇生民普渡遙

清賦役

五絕

周夢熊

祇說民逋欠疇知中有冤若非披膽照此苦向誰言

七絕

趙德昌

桃僵李代弊叢生孰使催科一例清稅畝而今無越
畔歡然貧富頌均平

七絕

劉端楷

秋糧未可減毫顛無奈山空賸石田返本清源誰箇
事周南父母是青天

七絕

林迪南

所至錄卷二

黃平卷一

二九

貧民積賦苦顛連果孰如公種福田瑣屑不嫌親察
問杜將欺隱類犀然

七律

蔡恒元

糧存田去弊叢生根飲閭閻孰究尋查局宏開犀照
澈簿書聿正鵲巢侵風清畎畝真爲惠雨沛郊原果
是霖偶向平疇閱遠眺甘棠遍植已成陰

七絕

周封魯

從來則壤立章程田去胡猶粟米征多少閭閻冤莫
訴公能一一使平情

騷體

周封邠

嗟我婦子兮室如磬懸地無立錐兮空瞻望乎板田
既不耕而不獲兮復賦稅之難捐吏催租兮猛於虎
血淚灑兮如鵠將稱貸於人兮疇其我與欲委責於
富家兮又勢力之天淵抑鬱兮誰語輾轉兮自憐幸
我公兮下察正經界兮越陌度阡惟正是供兮循名
核實納秸有在兮公正而無偏積弊兮頓革欺隱兮
胥蠲羣沾兮膏雨交暢兮晴天深鑄肺腑兮如逢再
造淪浹肌膚兮手足舞蹈而意難宣惟翹首以共禱
所至錄卷二

黃平卷一

三

願公受天之祐兮億萬斯年

七律

張鴻儀

糧任推移事便非奸貪久假竟忘歸存留多受無田
累飛駁長資薄賦肥局設清查除弊竇訟平科派息
爭機輸將照產供惟正積欠追呼自此稀

七律

張鑑中

糧存田去任推移賦額遷延弊遂滋呼籲無門徒飲
恨清查有局悉周知催租未許苛懸磬沛澤真能慰
立錐從此南東閔履畝甘棠爭話夕陽時

五律

張炳堃

變通期盡利納秸代爲籌計畝權輕重因田酌去留
揚炎行兩稅朱子定三州四野仁恩溥歡然鼓腹謳
築石岸

七律

周夢熊

長江扼險渡憑槎兩岸漁磯廣覆沙魚貫每傷行千
子鶴浮深恐沒津涯疇將忠信波濤涉頓使舟車坦
蕩誇好向中流稱砥柱平平遵道遍荒遐

七律

余春齡

所至錄卷二

黃平卷一

三十一

重安江水帶滇黔豫設堤防慮久淹蕩蕩路遵鳧渚
閩粵嶽石向馬頭添揚帆載月波光淨鼓棹乘風浪
影恬好值桃花春漲至凭欄獨立動遐瞻

五律

范 銍

河水奔騰逝沙崩郭外堤康衢成險阻斷岸恐顛躋
閭閻工興土登登石作梯料應歌坦道跋涉免塗泥

七絕

劉端模

一帆飛送一舟單颯颯秋風鐵甲寒江漢波濤如此
險梅花約我過重安

模承薦赴楚
軍營初還

七律

李鈐

長江扼要說重安浪湧沙堆驛路難
高築馬頭添石磴平鑲渡口護瓊欄
鴻猷永奠鯨波息駿業宏開鳥道寬
此日中流懷惠澤芳名應共水漫漫

七律

孫翹澧

水撼江干潰短堤雪來柳往不勝悽
石防漁浦方舟便徑開蠶叢古磴齊
沙岸無波驚鷁泛郵亭有客快鴻題
而今同履平平道鼓楫中流月映溪

七律

朱祺

所至錄卷二

黃平卷一

三

情殷康濟幾勤勞石築江頭便客舸
夾岸盤雲凌夏漲中流噴雪壓秋濤
行吟每覺波容淨立憩還欣地步高
共慶安瀾占利涉大川舟楫信能操

七律

劉杰

岸逼長江孔道紆何容坍塌聽崎嶇
開山恍似憑丁力疊石真能穩亥趨
不信臨河猶返駕應知破浪亦平途
康莊從此歌如砥多少征人樂秣駒

七絕

朱殿士

羊腸險阻困征程頓使漁磯似砥平
自是媧皇工煉

石乘槎直許到蓬瀛

五律

張炳堃

見說蠶叢路江千古道邊乘槎無漢使驅石有秦鞭
渡口千人頌磯頭兩岸堅為陂今宛在利濟勝前賢
懾苗盜

七律

孫翹江

蠢爾苗民弗用靈全憑威德化羶腥掃清蠹蠹山猶
碧歸盡田疇稻正青翩彼飛鴉安藻泮紛然買犢遍
林垌四郊共幸蠻烟息同坐春臺仰福星

所至錄卷二

黃平卷一

三三

七律

周夢熊

苗蠻梗化起戈兵檠戟遙臨次第清探穴不妨親入
虎殲魁即可懾吞鯨德威畏胥崩角仁聞昭時悉
用情有腳陽春回黍谷耕田鑿井動歡聲

七絕

趙德昌

瞥見懷音反側消翩翩林畔集飛鴉非關火烈民生
畏文德當年格有苗

七律

余春齡

單車無愧古名臣不藉兵威哨屢巡月映桑陰龍吠

靜風清麥隴雉依馴
適觀虎渡過江畔
共說蝗飛入海濱
狢鳥狢花胥化洽
使君到處藹陽春

七絕

姚雲麇

使君威望寵官袍
烏狢烏蠻競鬻刀
溪刺自從生縛後
蘆笙銅鼓月輪高

七律

文尚清

革夷苗盜久猖狂
烏合狼貪欲跳梁
熊軾初聞臨虎穴
蠻歌早已靜鴟張
江湖決處支流塞
日月明時燭火藏
民志於今真大畏
由來德政異尋常

所至錄卷二

黃平卷一

三五

七古

林有聲

君不見馬援伐樹盜
永除亂絲徐理民
復舒惠政誠堪感
蝗虎中孚信可及
豚魚又不見小偷
刑罰身甘即姓名
獨畏彥方識正氣
流行邪自消况復
政刑兼禮德狼洞蠻
疆首革夷山高水
遠路嶮崎村居繡
壤犬牙錯其中往
往匪梟鳴刺史下
車聞是故雷霆雨
露相濩布頑苗感
化競懷新且怨周公
來何暮於今懷德
並畏威都知今是
悔昨非賣劍買牛
刀買犢深耕易耨
稻梁肥格苗千羽
兩階舞過化存神
非小補

前聆絃誦滿查城今聽黃州歌樂土

七律

蔡恒元

胡甘稂莠號頑民盜竊風行擾四鄰探穴每勞身帶
甲殲魁不惜賞重申威加螻蟻安雌伏德感鷓鴣效
雉馴始信兩階干羽舞有苗曾是化中人

七律

張鴻儀

苗匪猖狂負固深咆哮潛煽遍荒林殲魁不礙鷹鷂
逐探穴旋將虎豹擒頓使蠻烟消遠岫重看舜日照
高岑七旬胡以胥來格妙譜南薰解愠琴

所至錄卷二

黃平卷一

三五

毀淫祠

七律

金鵬

綠林深處易藏奸况有淫祠任往還匿迹祇園空邑
相潛蹤淨土實凶頑不教鷲嶺纖塵染好把龍龕一
例刪明月清風懷刺史萬家生佛在人間

七律

周夢熊

地僻雲封古寺深空山原易匿邪淫紛然螻蟻陰爲
穴歎彼鷹鷂半在林伐翦頓教荆棘盡誅鋤足使鬼
神欽惡氛消處昭犀照崇正風清一曲琴

集經

李芳

豈弟君子懷柔百神既有淫威甯莫之懲

七絕

劉端楷

岑興古寺隱逋逃元夜人來舞佩刀野魅山魃都遣
去一聲牧笛月輪高

七律

李鈐

荒涼古寺萬山中荆棘叢生曲徑通地僻每多梟獍
伏林深難信虎狼空狄梁到處烟飛黑胡穎來時火
散紅鋤盡邪淫消鼠穴羣黎普慶荷忻懽

所至錄卷二

黃平卷一

三六

七律

孫翹源

怪是淫祠建遠山荒涼原易集凶頑雕梁毀向榛荆
內峻宇移從草莽間約法有章安百族立錐無地匿
諸蠻螟蝗飛去歸何所已隔盈盈水一灣

七律

陳銘章

地僻雲深鎖翠微雕梁隱隱佛堂巍奸淫易向空山
匿比匪難容淨土依翦去荆榛知盜遁移來棟宇任
僧歸憑臨猶是欽靈爽月下敲門覺已非

五古

林毓岐

山深塵事絕岑寂人蹤滅蒼涼寺觀中都作豺狼穴
託足多比匪藏身半盜竊民蠹不可留淫祠堪毀折
伐樹闢草萊誅茅勤搜抉賊窟成淨土祇林變荒塚
除惡原務盡未許復萌孽奸宄悉潛藏萬民相怡悅

七律

韓沛霖

盛朝崇正禁淫祠志在安民即毀之其地永無奸宄
伏此心惟有鬼神知蒼生豈少祈求處福曜還多庇
蔭時好語岑興諸父老瓣香分祝報恩施

七古

丁漢樞

所至錄卷二

黃平卷一

三七

白雲一片環幽徑僧歸未許稱入定深山大澤生龍
蛇奸宄樂窩人陷阱使君敬神兼務民或毀或移埽
賊氛梵宇澄清妖醜息道遵蕩蕩歸皇極應知除暴
以安良生成全仗使君力焉得置之

廟廊上廣爲寰區翦荆棘

釐學田

七古

余超漢

國家作育重人才廈庇千間學校開膏助螢囊昔有
制豈容蠹蝕化飛灰田疇廣置歷年久碣斷碑殘莫

須有但存其名已忘實幾番上下隨其手我公著意
育菁莪井疆不忍任消磨星言速駕稅桑田薰風遠
颺秩南訛行旌踏遍深山谷燭破奸謀馬指鹿因仍
積弊數十年始認廬山真面目吁嗟乎古來圖治賴
純儒庠序方能範其趨一自我公勤獎勵寒毡學士
盡握瑜

七律

孫翹澤

昀昀原隰值千金義舉當年惠士林郊藪方欣麟鳳
至田疇忍聽蠹蠶侵分疆到處巡周甸則壤乘時沛
所至錄卷二

黃平卷一

三八

傅霖始信催租非泥古栽培總是育才心

七律

王德成

爲憐寒士置田莊義舉當年費較量優獎藝林良有
以平分花戶本無妨雞廉易得饗飧助蠹食難容跋
扈強釐定井疆消積弊常教履畝說甘棠

五律

范鏗

學校舊有制歷久漸殊前曲意防侵佔深情判陌阡
佃民欠無積界石字重鐫士業羣欣肆歡聲澈龍淵

七律

余春齡

學校田疇備載碑農家蠶食竟居奇臨民已見苗來
格履畝何容粟暗移成賦仍教遵往制催租未許奈
前規均平井地皆仁政藝苑爭吟飽德詩

七絕

劉端楷

萬間廣廈連雲起百畝膏田帶露收添得一窗燈火
費筆花墨雨課春秋

七絕

林迪南

爲籌膏火助寒儒忍令奸徒蠹蝕租霖雨沛來滋墨
雨筆花開處任毫濡

所至錄卷二

黃平卷一

三九

七律

蔡恒元

藝林當日置田莊培養菁莪惠澤長沾潤已能消鮒
涸焚膏自不倩螢囊無端蠹蝕生阡陌肯使鯨吞遍
井疆履畝釐清諸弊息行看遺愛蔭雲黃

五律

林翰音

豈獨民如子儒林待更優已曾開廈宇復與易田疇
界恰新疆正租仍正額收使君嘉惠至千載誌鴻猷

七律

張鴻儀

爲憫寒儒歲蓄租何容刁佃巧吞圖分疆擅改東園

畝正界偏誣大小區此日奸謀明扶爾多年積弊杜
支吾從茲穀祿均平後士勉純修盡握瑜

設塘卡

七律

楊瓊枝

險絕山了一徑通
萑苻盜易集蠶叢
常教健役身親
護頓使行人膽壯
雄沿路荆榛胥翦
盡長途枳棘悉
芟空征車亦被承
平化無怪康衢舞
有童

七絕

趙德昌

萑苻未可任潛藏
清道端宜設卡塘
長短亭前休憩
所至錄卷二

黃平卷一

四十

處福星一路耀焜煌

七絕

劉端模

水驛山程繞翠微
鷹鷗沿路挾霜威
鼠狐不敢潛來
往遙指長空一雁飛

七律

孫翹澧

羣凶伏莽儼蚊雷
廣設塘房杜禍胎
擊柝相聞聲赫
赫度關不漏網
恢恢穴探螻蟻知
全盡道率驂駟想
正開從此征途來
往輩歡欣恍似坐
春臺

七律

周曦

黃州南界舊睥睨澤類荏苒盜易窩隘道巡風盤卡
設要津逐日哨船控鷓鴣張未許藏身固烏合應知裹
足多商旅往來情得得詩歌樂土杲如何

七律

李培基

路本平平久共行自生奸宄便榛荆巖霜氣肅中宵
靜皓月光寒四野清荒徑亦歌王道蕩長途不使旅
魂驚樂郊得所羣爭適濟濟游人攬轡征

七絕

張熙齡

豫占擊柝設重門塘卡新添舊制存自此奸頑都遠
所至錄卷二

黃平卷一

聖

遁常教夜犬臥花村

七律

韓沛霖

常將水火念斯民地險關津守禦頻棠舍隨時嚴暴
容花封到處護行人蓋沾甘雨應符夏袖拂清風亦
帶春驛路恩波欣共沐桃源何至悵迷津

七律

黃樞

奸頑隘道逞猖狂鼠伏蛇行屢探囊卡設迴峰防虎
視塘添沿路息鷓鴣張狼貪已見聞風遁魚貫猶勞逐
日忙行旅往來遵道蕩會歸從此仰

惟皇

五古

林翰音

十里設一塘五里設一卡盜迹斂千村惡氛消四野
謳吟草澤中鼓舞棠陰下樂土快馳驅春風歌五馬
豎文峰

七律

孫翹澤

琴山高並數峯寒風水重培壯巨觀古塢修成才子
筆德星映到大夫壇擎天一柱彰雷雨拔地千尋固
石磐試向飛雲巖上望文明有象慶彈冠

所至錄卷二

黃平卷一

四二

七律

駱澍遠

突兀瓊峰豎卓然好將缺陷補坤乾影澄帶水文波
闊勢挾屏山筆陣圓題雁常沾新雨露搏鵬高入碧
雲烟栽培元氣鍾靈厚玉柱當撐萬古天

七律用磨碑韻

夏昉長

帶水溶溶一曲過高擎彩筆點銀河白臨飛瀑池新
蘸黑起流雲墨共磨秀補螺峰留闕少題垂雁塢得
名多如公真是高山仰孰肯追攀步履訖

七律

余春齡

奎山秀接塢層層絕頂玲瓏得未曾健筆參天臨上
界文峯拔地憶中丞前塢為朱中丞所建風鈴嘹唳欣同聽雲
路縈紆喜共登預慶題名人崛起滿城雅化日蒸蒸
磊落奇峰豎管城遙天斜見一枝橫而今省識凌雲
筆好記他年雁塢名

七絕

劉其明

七絕

傅言試

精英從古蘊山川頓使文峰豎卓然髣髴鳩皇勤煉
石一枝彩筆插雲端

所至錄卷二

黃平卷一

聖

七律

蔡恒元

文峰轟轟逼雲間陣掃千人氣象環倒影波瀾分帶
水撐空峭拔對屏山筆凌雁塢題名早路接蟾宮折
桂還巧補天工彌闕陷懸來蕊榜數班班

七律

韓沛霖

文筆嵯峨補化工由來缺陷在培風擎天一柱從今
豎拔地千尋與昔同霧斂形撐青嶂外月明影射碧
霄中連雲甲第應堪卜他日題名定不窮

七古

林翰音

刺史樹人兼樹德文峰更比山峰特憑將人力補天
工石筆也應花五色

七律

郭經邦

玉柱沖霄入望明峰移海上翠嵐生補偏竟可天工
奪作勢還疑鬼斧擎遠射文光同日朗高懸筆陣與
雲橫地靈自古徵人傑甲第綿綿起俊英

所至錄卷二

黃平卷一

四四

10850

